

Inatsisartut suleriaasianni § 37 imm. 1 naapertorlugu, Naalakkersuisunut apeqqutit matumuuna allakkatigut saqqummiunneqarput.

Naalakkersuisunut apeqqutit:

- 1. Naligiissitaaneq assigiinngisitsinnginnissarlu pillugit Inatsisartut inatsisaata (36/2024) malinneqarnissaanut, Naalakkersuisoq sorleq akisussaanertut inissisimava, pisorta qarfiullu suup ataaniippa? Naalakkersuisup pisorta qarfiullu aqqi uani akissutigeqquneqarput.**

(Inatsisartunut ilaasortaq Pele Broberg, Naleraq)

Tungavilersuut:

Inatsit nutaaq ukioq manna (2024) sananeqarpoq atuutilersinneqarlunilu, kisiannili Naalakkersuisoqarfiup sorliup inatsisip malinneqarnissaanut pingaarnertut akisussaaffigineraa ersernerluttumik akissuteqartoqartarmat ersarissarniarlugit apeqqutit ingerlateqqinneqarput.

Apeqqutigineqartut ullut suliffiusut qulit (10) iluanni akineqareersimanissaat piumasarineqarput. Nutsernerani paatsuungasoqassatillugu kalaallisut allassimasoq aallaavigineqassaaq.